



# ज्वजलपा वाःपौ

JWOJALAPA WEEKLY

दैं ७ ल्याः २५ (पूर्णडक १२७) ते. सं. ११३७ सिल्लाख पारु आइतवाः २०७३ माघ १६ गते आइतवार (Jan- 29, 2017)

मू द १- पृष्ठ ६

## राजनीति ल्वापुइ वनीगु संभावना अप्वया वल आयोगया प्रतिवेदन च्याकेगु मधेसी मोर्चाया निर्णय

ज्वजलपा वाःपौ /

सरकारं गाउँपालिका, नगरपालिका, विशेष क्षेत्र, स्वायत्त क्षेत्र व संरक्षित क्षेत्रया सीमा व संख्या निर्धारण यायेगु नितीं धकाः बालानन्द पौडेलया नेतृत्वय् दयेकूगु आयोगया प्रतिवेदनयात संयुक्त लोकतान्त्रिक मधेसी मोर्चा अस्वीकार याना उकियात च्याकेगु निर्णय यायेवं हाकनं देसय् राजनीतिइ ल्वापुइ वनीगु संभावना अप्वया वःगु दु ।

आयोगं थःपिन्त बिउगु न्यागू विषय मध्ये निगू जक विषययात दुथ्याका प्रतिवेदन तयार याःगुयात नेपाःया आदिवासी जनजाति, मधेसीनिसं उत्पीडित समुदायपाखें अपुरो व अधुरो प्रतिवेदन धकाः अस्वीकार यायेगु घोषणा याना वयाच्वंगु अवस्था दुसा मधेसी मोर्चा ला उगु प्रतिवेदनयात च्याकेगु धकाः तर्क निर्णय याःगु दु । सरकारय् दुथ्याःगु माओवादी केन्द्र, कांग्रेस नापं प्रमुख प्रतिपक्ष एमाले लगायतया दलत व हे अपुरो व अधुरो प्रतिवेदनया आधारय् स्थानीय निकायया चुनाव यायेगु तयारीइ वनेवं समानता, समानुपातिक समावेशी, पहिचानया मुद्दा ज्वना आन्दोलन याना वयाच्वंगु आदिवासी जनजातितय्गु प्रतिनिधित्व यानाच्वंगु राजनीतिक दर्लनिसं मधेसवादी दलत अथे हे प्रदेश स्तरीय मोर्चात आन्दोलन यायेगु कथंया तयारीइ न्ह्याः वंगु खः । थ्व हे भूवल्य शनिवाः च्वंगु संयुक्त लोकतान्त्रिक मधेसी मोर्चाया बैठकं ला उगु प्रतिवेदनयात पूर्ण रुपं अस्वीकार याना वनेगु नापं थःपिनिगु विरोध ज्याभ्वःया दथुइ उगु प्रतिवेदन च्याकेगु धकाः तर्क निर्णय याःगु खः ।

माघ २३ गते तराईया फुक्क सदरमुकामय् प्रदर्शन यायेगु नाप नापं उगु कथंया आयोगया प्रतिवेदनयात च्याकेगु धकाः तर्क निर्णय याःगु दु । कांग्रेस, माओवादीपाखें संघीय गठबन्धनलिसं याःगु सहमति कथं थःपिनिगु माग सम्बोधन यायेगु कथं संविधान संशोधन यायेमाःगु माग याना वयाच्वंगु खः ।

सरकारं हःगु संविधान संशोधनया प्रस्तावयात परिमार्जन याना थःपिनिगु माग पुरा यायेमाःगु सः तया वयाच्वंगु खः । तर लिपांगु इलय् वया सत्तापक्ष दलत नापं विपक्षी दलत जाना स्थानीय निकायया चुनाव यायेगु तयारी याःगुलिं मधेसी मोर्चा नापं जनजातित आक्रमक रुपं सः तयेगु यानाहःगु खः ।

थ्व हे दथुइ संघीय गठबन्धनया छम्ह नेतां ज्वजलपा वाःपौलिसं खँल्हासं थुगु हे कथं सरकार व प्रमुख प्रतिपक्ष वन धाःसा माघ महिना धुसांसिसं देय्त्वंकं सशक्त आन्दोलन यायेगु नापं चुनाव घोषणा यात धाःसा अस्वीकार यायेगु जक मखु चुनाव हे याके मबिइगु तर्कया ख्याचः बियादीगु दु ।



### ‘संचार जगतं नं भंगःलानाच्वन’

प्रचण्ड सरकारं गाउँपालिका, नगरपालिका, स्वायत्त क्षेत्र, संरक्षित क्षेत्र व विशेष क्षेत्रया सिमा व संख्या निर्धारण यायेगु आयोग धकाः हे नां कितान याना बालानन्द पौडेलया नेतृत्वय् आयोग दयेकूगु जूसां नं नेपाःया संचार जगतं तर्क भंगःलाना स्थानीय निकाय पुनर्संरचना आयोग धकाः भ्रमाक खँ प्रचार यानाच्वंगु संघीय गठबन्धनया छम्ह नेतां धयादीगु दु । विशेष याना ततःधंगु संचार माध्यम उगु कथंया प्रचार यानाच्वंगु अले वास्तविकतायात त्वःपुइगु कुतः यानाच्वंगु दु धकाः द्वपं बियादिल । संचार जगतं तर्क उगु कथंया भ्रम ब्वलंकाच्वंगु धइगु उत्पीडित समुदायया हक अधिकारया पक्षय् मरुपिं संचारकःमि नापं राज्यया गुलामि याना जनताया सः कमजोर याइपिनिगु ज्या खः धकाः तर्क धयादिल ।

## सुचं ! सुचं !! सुचं !!!

ज्यापु महागुथि किपू नगर समितिया ग्वसालय् नेपालभाषा साहित्य गोष्ठी जुइत्यंगु दु ।

साहित्य गोष्ठी जुइगु दिं

वइगु सिल्लागा आमाई फागुन (१५ गते) आइतवाः

चवसू : चिनाखं, बाखं, चिबाखं, हाइकू, गजल, चवखं न्ह्यागु नं बिया दीफइ ।

चवसू बिइगु थाय्:

मिलन स्टूडियो अमल्लिस, (रामभक्त महर्जन)

बाघभैरव आयुर्बेदिक वासः पसः (कुलबहादुर) तःगःवपि,

पांगा बुक्स एण्ड स्टेसनरी, धवाखासी पांगा

ग्वाहालिमि : पद्मिनी ज्वेलर्स, तःगःवपि, किपू

संयोजक : अर्जन महर्जन ‘नेपाःमि’



# ज्वजलपा वा:पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

भरत महर्जन, निरजमान सिंह  
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

## सम्पादकिय

## पाँगाय प्यम्ह शहिदपिनिगु सालिक

किपू नगरपालिका वडा नं.९ पाँगाया सालिकय निरंकुश राणा शासनया विरुद्ध स:त:पिं प्यम्ह शहिदपिं धर्मभक्त माथेमा, शुक्रराज शास्त्री, दशरथ चन्द व गंगालाल श्रेष्ठया सालिक त:गु दु । गुगु सालिकया थौं शहिद दिवसया लसताय उलेज्या जूवनाच्वंगु दु ।

खयतला थौंयां खीदै न्त्य: अर्थात वि.सं.२०१३ साल मंसिर १८ गते सोमवार हे उगु थासय च्वय थीरवम मल्लया भवाता, क्वय नांजकयापिं धायेथे छखे प्यम्ह शहिदपिनिगु चिचिपा:गु किपा तयथें तया: उदघाटन या:गु ख: । थ्व खँयात कया: पाँगायापिं मनुत तसकं तँचाल, थीरवम मल्लया भवाता क्वय प्यम्ह शहिदपिनिगु किपा: तयथें तया: शहिदपिनिगु अपमान यात धका: सालिकत:गु छुं दिलिपा हे थीर वम मल्लया भवाता त्वा:थला लिक्का विपता यानाव्यूगु ख: । व ज्या सुनांयात धका: थौंतक नं सार्वजनिक जूगु मदुनि । दुने दुने न्त्यने दुगु कथं उगु ई:या कम्युनिष्ट पार्टीया मनुतसं व भवाता लिक्का धइगु खँ दु । तर बांलाक प्रष्ट मजुनि । सुनानं जिं यानागु धका: जिम्मेवारी का:गु मदुनि । उबलयनिसं व थाय्या नां हे सालिक धका: प्रख्यात जुल ।

थाय्या नां धा:सा सालिक, तर सुयागु सालिक धा:सा मदु । थ्वहे खँयात वा:चाय्का सालिकया मनुतसं शहिदपथ उपभोक्त समिति नीस्वना: प्यम्ह शहिदपिनिगु वाम्हया भवाता दय्का पलिस्था यात । थौं माघ १६ गते राष्ट्र हना: वयाच्वंगु शहिद दिवसया दिं लाका: राणाकालय शहिदजूपिं शुक्रराज शास्त्री, धर्मभक्त माथेमा, गंगालाल श्रेष्ठ व दशरथ चन्दया वाम्ह दुगु भवाता प्यगू कुनय स्वका: अन पलिस्था या:गु दु । खीदै लिपा जूसां सालिक पलिस्था जुल ।

## गजल शौरभ शाक्यया

### गजल-१७

सुनां स्याकल नुग:, गथे धाये छंत: ख्विं प्याकल नुग:, गथे धाये छंत: ।  
मिहग छं लँय हे पना न्यन थ्व खँ  
वं म्वाकं हे च्याकल, गथे धाये छंत: ।  
हे भगवान !, सुइतं मजुइमा:थथे  
मभिंनं त्याकल, गथे धाये छंत: ।  
मसिउ छु याना, गुतुं क्वात जित:  
ध्याक्वय न्याकल, गथे धाये छंत: ।  
मनय प्वचिना, वइत थ: भापिया  
वंहे आसं द्याकल, गथे धाये छंत: ।



## चिचिधंगु दल व थ्रेस होल्डया विवाद



### सानुराजा शाक्य

निर्वाचन विधयेकयात कया: संसदया समितिइ जुयाच्वंगु राज्य व्यवस्था समितिया दुने जुयाच्वंगु छलफलत मध्ये थ्रेस होल्ड तयेगु विधयेक तयार जूगु समाचारत वयाच्वंगु दु । थ्रेस होल्डया सम्बन्धय त:धंगु यथास्थितिवादी दलत संविधानय हे थ्रेस होल्ड तयेत ता:मलायेवं खुँ लँपु विधयेक मार्फत थ्रेस होल्ड तयेत स्व:गु ख: । त:धंगु दलया असक्षमतायात त्व:पुइत यक्व दलत दया: ज्या मजुगु तर्क बिया: यक्व दलत संसदय मवयेमा: धका: थुकथंया थ्रेस होल्ड हयेत्यंगुलिइ शंका मदु ।

संसदया समितिइ यथास्थितिवादी दलतय बहुमत दुगुलिं त:धंगु दलवाहेक मेमेगु दलयात निषेध यायेगु कथं थुकथंया थ्रेस होल्डया पक्षय विधयेक वयेत्यंगु ख: । आमसंचार माध्यमय नं त:धंगु दलया बुद्धिजीवि धा:पिसं यक्व दल दया: राजनीतिक स्थिरताया नितिं पंग: जुल, संसदीय फोहरी राजनीतिया नितिं मलजल जुल धका: थ्रेस होल्डया पक्षय च्वयेगु जनमत तयार यायेगु स्वयाच्वंगु दु ।

नेपा:या राजनीतिइ समस्या धइगु यक्व दलदया मखु त:धंगु दलया एकल जातीय नेतातयगु नस्लीय संकृष मानसिकता व असक्षम नेतृत्व ख: । तर थ्व वास्तविकतायात त्व:पुइत त:धंगु दलया नेतात विशेष याना: एमाले व कांगेसया एकल जातीय नेतृत्व जनमानसय यक्व दल जुया थ्व समस्या बलंगुलिं थ्रेस होल्ड मा: धइगु भ्रमपूर्ण तर्क बियाच्वंगु दु । नेपा:या भौगोलिक, जातीय जनसंख्या, सामाजिक चरित्रया कारणं गुलि दल दइ धइगु जनमत हे निर्धारण याइ । जनमत धइगु हे थ्रेस होल्ड ख: ।

जनतायात यक्व दल दुगुलिं समस्या बलंगु ख: धइगु ताल धा:सा थ्रेस होल्डया व्यवस्था हे मदुसां कम दल जक निर्वाचित जुइ । लोकतन्त्रया हिमायतीतसं थ्रेस होल्डया पक्षधरता लिइ मल्व: थ्रेस होल्ड लोकतन्त्रय निश्चित दलत जक निर्वाचित जुइगु कथंया निषेधाज्ञा जारी याइ । पंचायत पंचतयगु एकदलीय व्यवस्थाया विरोधय जनतां जनआन्दोलन याना: बहुदलीय प्रजातन्त्र हल ।

बहुदलीय व्यवस्था धका: स्वीकार यासेली बहुदलीय व्यवस्थाय निगू जक दल दयेमा: वा प्यंगू न्यागू जक दल दयेमा: धका: निर्धारण यायेगु गुज्व:गु बहुदलीय लोकतन्त्र ख: । बहुदलीय धायेगु तर निश्चित जनमतयात जक

स्वीकार यायेगु लोकतन्त्र धइगु राज्य सत्ताय एकल जातीय प्रभुत्वयात निरन्तर कायम यानातयेगु अधिनायकवादी लोकतन्त्रया वकालत हे ख: ।

कम दलत जक दया: देया भिं जुइगु ख:सा नेपालय माओवादी जनयुद्ध धइगु हे मजुइगु ख:, ज्ञानेन्द्र सत्तापलट याये मफइगु ख:, बासाष्टी त्रिसाष्टीया जनआन्दोलन मजुइगु ख: । तर खूगु न्हयगु जक दलत संसदय दुबले नं, दलतसं संसदया बहुमत सीट निर्वाचित जूगु इलय नं नेपा:या राजनीतिक समस्या ज्यंगु मदु व नेपा:या नियती हिउगु मदु ।

थुकिं प्रष्ट या:कि नेपा:या समस्या म्हो दल जक निर्वाचित जुइगु व्यवस्था मजुइगु बलंगु समस्या मखु । अझ थ्व खँ प्रष्ट जूगु दुकि नेपा:थें जा:गु अल्पसंख्यक जातीय सामाजिक समुदाय यक्व दुगु देसय त:धंगु दलतसं फूक्क समुदायया हितयात स्वयां नं अल्प संख्यकमध्ये छगू जक त:धंगु जातीय समुदायया पक्षय राज्यया दुरुपयोग या: धइगु वंगु स्वीर्दानसं प्रमाणित याना हे च्वंगु दु ।

संसदय छगू निगू सीट जक दुगु दलया नेतायात नं मन्त्री दयेके माल उकिं थुकियात निषेध यायेत नं थ्रेस होल्ड माल धका: प्रचार यायेगु जुयाच्वंगु दु । आम जनताया मिखाय नं संसदय छम्ह जक सांसद दु अयनं वहे छम्ह नं मन्त्री जू वन धका: नकारात्मक रुपं यक्व दल मदइगु हे भिंगु ख:ला धका: नं च्वनेफु ।

चिधंगु दल वा चिधंगु दलया छम्ह जक सांसद जुइवं मन्त्री जुइ हे मजिउ वा मन्त्री जुइ हे मा: धइगु नं मखु । वर्तमान प्रधानमन्त्री पुष्प कमल दाहाल नकतिनि थ:गु मन्त्रीमण्डलय छगू सीटे दलया अध्यक्षतयत मन्त्री दयेकूगु खँया आलोचना जूगु प्रसंगं नं थ्रेस होल्डया पक्षय जनमत तयार यायेत स्वयाच्वंगु दु ।

थ्वया न्त्य:या प्रधानमन्त्री केपी ओलीं न्यागू सीटया सीपि मैनाली, स्वंगू सीटया चित्रबहादुर के सीयात उपप्रधानमन्त्री, निगू सीटया जनमुक्तिया शीव लाल, निगू सीटया परिवार दलया एकनाथ ढकाल, स्वंगू सीटया नेकपा संयुक्तया थीथी मन्त्री दयेकूगु ख: । थुकथं म्हो सीटया दलया सांसदयात मन्त्री दयेकूपिं नं वहे त:धंगु दलया प्रधानमन्त्रीपिं ख: ।

केपी ओलीं एमाओवादी व राप्रपा नेपालया जक समर्थन कया: सरकार न्त्याकाचवंसा तिके हे जुयाच्वनीगु ख: । चिचिधंगु दलया समर्थन मदुसां सरकार क्वदइगु मखु तर थुज्व:गु प्रवृत्तियात मलजल वहे केपी ओली, पुष्प कमल दाहाल, शेरबहादुर देउवा, माधव नेपालपिसं हे या:गु मखुला ? उमिगु कमजोरीया दोष चिचिधंगु दल जुइमा:गु लोकतन्त्रया व्याख्या गुज्व:गु

संसदय छगू निगू सीट जक दुगु दलया नेतायात नं मन्त्री दयेके माल उकिं थुकियात निषेध यायेत नं थ्रेस होल्ड माल धका: प्रचार यायेगु जुयाच्वंगु दु । आम जनताया मिखाय नं संसदय छम्ह जक सांसद दु अयनं वहे छम्ह नं मन्त्री जू वन धका: नकारात्मक रुपं यक्व दल मदइगु हे भिंगु ख:ला धका: नं च्वनेफु ।

जुइ । तत:धंगु दलया नेतातसं ला थ:पिं मन्त्री उपप्रधानमन्त्री जुइत लोभ याना जुइसा चिचिधंगु दलया नेतातयके व कमजोरी मदइगु खँ हे मन्त । संविधानय सरकारया दुज: नीन्याम्ह जक दइ धका: संविधान च्वइपिसं थ:गु नेतृत्वय सरकार दयेकेवलय नं चिचिधंगु दलयात सरकारय महसे केपी ओली व पुष्प कमल दाहाल नीन्याम्ह जक दुज: दुगु सरकार छाय मदयेकल । प्रधानमन्त्री पुष्प कमल दाहालया केसय नं सदाबाहार मन्त्री जुइमा:ह दल हे खारेज जूसां सांसद जुयाच्वंम्ह प्रेमबहादुर सिंहयात केपी ओलीं मन्त्री बिइ हे मा:गु, पुष्प कमल दाहाल नं मन्त्री दयेके हे मा:गु छाय ?

अथे धका: चिधंगु दलया सभासद् जूपिके नं कमजोरी हे मदुगु मखु । चिधंगु दलपाखें सभासद् छुं सभासदतयके अवसरवादी चरित्र व लोभलालचय लाना: पार्टीयात धोखा बिइपिसं याना नं थ्रेस होल्डया पक्षधर तयत तिव: जू वंगु ख: ।

नेपा: पार्टीया लक्ष्मण राजवंशी, जनमुक्तिया शीवलाल थापापिसं गुकथं पार्टीयात धोखा बिया: नैतिकताया अख: लोभलालचय फसे जुल, अवसरवादी चरित्र प्रदर्शन यात थुकिया लिधंसाय जक थ्रेस होल्ड मा:गु हे जुयाच्वन, थ्रेस होल्ड दुगुसा प्रेमबहादुर प्रवृत्ति, लक्ष्मण राजवंशी प्रवृत्ति, शीवलाल थापा प्रवृत्ति निरुत्साहित जुइधका: तर्क बिइगु पायिछ मखु । चिचिधंगु दल सभासद् जुइपिं थुज्व:पिं हे जक जुइ धइगु नं मदु नेपा: पार्टीया हे दसू कायेगु ख:सा न्हापा सभासद् जूम्ह बुद्ध साय्मियात लक्ष्मण राजवंशीनाप लने ल्व: मजू ।



ज्वजलपा वाःपौ/

किपूया नगामय् च्वंगु क्रिएटिभ एकेडेमी स्कूल वंगु शुक्रवाः अभिभावक दिवस- २०७३ तःजिक हन ।

विद्यालय व्यवस्थापन समितिया नायो मर्जिमान सिंहया नायोसुइ न्त्याःगु उगु दिवसया मूपाहाँ प्रा.डा. रामकृष्ण महर्जनं त्वारवालय् मत च्याका उलेज्या यानादीगु खः ।

शिक्षिका रीना शाही न्त्याकूगु उगु ज्याभवलय् प्रिन्सिपल वि.एन. पौडेलं लसकुस न्वचू बियादीगु खः । लसकुस न्वचुया भवलय् वय्कलं थगुने २०७२ सालया तःभुखाचं याना याये मफुगु अभिभावक दिवस थुगुसी निर्दया छक्वलं याना च्वनागु खं कनादिल ।

शिक्षक प्रतिनिधि सुमित्रा गिरी व अभिभावक प्रतिनिधि नं थःगु नुगःखं तयगु भवलय् क्रिएटिभ एकेडेमी मस्तयत केवल किताबया की जक मयाःसे

## क्रियटिभ स्कूलया अभिभावक दिवस

व्यवहारिक ज्ञान नं बिइगु याना वयाच्वंगु तसकं च्छाय् बहःगु धकाः प्रशंसा यानादिल । अभिभावक नारायणं थः मस्त क्रिएटिभ एकेडेमी व्बंके दुगुलिं थःत गर्व महसुस जूगु खं कनादिल ।

उगु ज्याभवलय् जनसेवा उच्च मा.वि.या प्राचार्य नन्दकुमारी महर्जनं मदयधुं कूम्ह थः माहिलाम्ह दाजु हेमबहादुर महर्जनया नामं नीस्वनातःगु सिरपाः नं इनेगु ज्या याःगु खः । प्राथमिक नि.मा.वि. व मा.वि. स्वंगु तहलय् दकलय् अप्वः ल्याः हःपिन्त नगदसहित सिरपाः लःल्लानादीगु खः ।

प्राथमिक तहःपाखें २०७१ व २०७२ निगूदय् नं रिपब्लिका गौतमयात, नि.मा.वि. तहलय् २०७१ या कृष्णकुमार राम, २०७२ या रक्षा वस्नेत, व

माध्यमिक तह २०७१ या रोजाश्री ढकाल व २०७२ या वर्षा अधिकारीयात सिरपा लःल्लाःगु खः ।

मूपाहाँ प्रा.डा.रामकृष्ण महर्जनं क्रिएटिभ एकेडेमी थःगु ज्याभवलय् बौद्धिक ख्यःया मनुपिन्त मूपाहाँ दय्का वयाच्वंगुयात च्छासं बौद्धिक व्यक्तित्वयात सम्मान यायेगु हे स्कूलया बौद्धिकता परिचय खः धयादिल ।

पलिस्था जूगु छुं दया दुने हे थःगु नां अनुसारं ज्या यायेफुगु हे एकेडेमीया सफलता खः धयादिल ।

सभाया नायो मर्जिमान सिं नं थःगु न्वचु तयेगु भवलय् स्कूलया विकास क्रम न्ह्यव्वसं श्रौतक स्कूलं याना वयाच्वंगु अले लिपा यायेगु खं कनादिसं धयादिल, वि.सं.२०७१ सालनिसं प्लेगुप



निसं यूकेजी तक द्यभकत :यलतभकयचण नाप जानाः :यलतभकयचण शिक्षण पद्धतिया आधारय् व्वंका वयाच्वनागु धयादिल । अथेहे शैक्षिक सत्र २०७३ निसं कक्षा

१ र २ लय् पाठ्यक्रमय् आधारित जुया कक्षा न्त्याकाच्वनागु खं कंसें थुगु शिक्षण विधि उत्साहजनक प्रगति जूगुलिं शैक्षिक सत्र २०७४ निसं कक्षा १ निसं ५ तक पूर्ण रुपं

पठ्यपुस्तक स्वया पाठ्यक्रमय् आधारित जुया कक्षा संचालन यायेगु खं कनादिल । औपचारिक ज्याभवः लिपा विद्यार्थीपिन्त म्ये, प्याखं हुलाः अभिभावकपिन्त न्त्याइपुकूगु खः ।

## शहिद स्मारक कलेजया हिदान ज्याभवः



किपूया नयाँबजारय् च्वंगु शहिद स्मारक कलेज पलिस्था जूगु निंखुक्व दँ क्यंगु लसताय् भिगः सनिवाः कलेजय् हिदानया ज्याभवः यात ।

उगु ज्याभवलय् ३६ मह स्वीखुम्ह मिर्जापिं व ५ मह न्याम्ह मिसापिं याना मुक्कं ४१ पीछ्महसें हिदान याःगु दु । उगु हिदान ज्याभवलय् क्याम्पस प्रमुख मिलन महर्जनं नं हिदान यानादीगु खः । वय्कःया कथं थ्व वय्कःया ४१ पीछ्क्वःगु हिदान खः ।



## नेपाल रेडक्रस सोसाइटी किपूया १० क्वःगु दँमुँज्या क्वचाल

नेपाल रेडक्रस सोसाइटी किपू उपशाखाया भिक्वःगु दँमुँज्या भिगः शनिवार कृष्ण क्याटरिंग हल किपुली जुल ।

उपशाखाया सभापति राजेन्द्र वानियाँया नायोसुइ जूगु उगु ज्याभवःया उलेज्या सोसाइटीया सल्लाहकार नापं समाजसेवी ई.दुर्कमान महर्जनं त्वारवालय् मत च्याकाः यानादिल ।

वार्षिक प्रतिवेदन छयाञ्जे सजिव वस्नेत देशं पिने वनाच्वंगुलिं ल्यूछ्याञ्जे दिलिप महर्जनं वार्षिक प्रतिवेदन न्ह्यव्वया दिल । वय्कःया प्रतिवेदन कथं उपशाखाय् यशस्कर जः १, आजीवन जः २६६, साधारण जः १०३ व जुनियर रेडक्रस सर्कल १० भिगु, युवा रेडक्रस सर्कल १ छगू दुगु खं कनादिल । अथेहे थीथी समिति व समितिया संयोजकपनिगु नां धलः नं न्ह्यव्वया दिल । १.विपद व्यवस्थापन समिति –अनिल महर्जन २.जुनियर तथा युवा रेडक्रस सर्कल समिति – सन्तोष महर्जन, ३.आर्थिक तथा स्रोत परिचालन समिति– जनकलाल महर्जन ४. सामुदायिक महिला विकास समिति– रीना शाही ५. स्वास्थ्य तथा सेवा समिति– दिलिप कुमार महर्जन ६. कार्यालय व्यवस्थापन समिति– रिडी भन्सारी, ८. प्रशिक्षण तथा विकास समिति – रुपेन्द्र महर्जनयात जिम्म बिउगु खः । अथेहे आ.व. २०७२/०७३ य् १० भिगू ज्याभवः पूर्वकागु खं



नं कनादिल । कोषाध्यक्ष जनकलाल महर्जनं आर्थिक प्रतिवेदन न्ह्यव्वयादिल । वय्कःया कथं आ.व. २०७२/०७३ य् जःल्लापं व धेवा ग्वाहालि याना मुक्क आम्दानी रु.८४,१९० दुत वःगु खःसा खर्च रु. ८२,४०५ जूगु खं कनादिल । वय्कलं वइगु दँय् यायेगु थीथी न्यागू ५ ज्याया निति रु.२४,००,०००/ धेवाया बजेट न्ह्यव्वया दिल ।

भित्तुना मन्तव्य तथादीपिं पाहाँपिं मध्य बरिष्ठ सल्लाहकार आकर्षण प्रधानं २४ लखया बजेट ला तयादिल तर दाँ गनं वइगु स्रोतया न्ह्यथना मतःगु खं कुला दिल । आः कीर्तिपुर व दक्षिणकाली नगरपालिका छगू हे जुइगु खं दु अथेजुल धाःसा छु यायेगु धइगु नं न्ह्यसः थनादिल । छयाध्याःसा छगू नगर

पालिका दुने निगु उपशाखा तइमखु ।

एन.आर.एन.क्यालिफोर्नियाया अध्यक्ष पूर्ण चन्द्र वानियाँ थगुने नेपालय् तःभुखाय् व्वःगु इलय् रेडक्रस किपू शाखायात ग्वाहालिया नितिं ५ न्यागु लख धेवा छवया हयागु खं कंसे लिपा लिपा नं रेडक्रस याइगु बांलागु ज्यायात ग्वाहालि यायेत एनआर.एन.क्यालिफोर्निया तयार दुगु खं कनादिल ।

नेपाल रेडक्रस सोसाइटी काठमाडौं जिल्ला शाखाया मन्त्री नविन मानन्धर रेडक्रस कीर्तिपुर उपशाखाया भवन दु तर संचालनय् वयाच्वंगु मदु । उगु भवन संचालन यायेगु निति जिल्ला शाखापाखें रु. १ लाखतक ग्वाहालि यायेगु खं नं कनादिल ।

मूपाहाँ ई.दुर्कमान महर्जनं रेडक्रस किपू उपशाखा निगू ज्या यायेमाःगु खँय् बःबियादिल ।रक्त संचार व्यवस्थापन कोष व दमकल दुहाँ मवंगु थासय् मिन्वइवलय् मिस्यायेगु उपकरण तयेमाः । रक्त संचार व्यवस्थापन कोष नीस्वनेगु नितिं थःगु पाखें १० भिद्रः तका ग्वाहालि यायेगु बचं बियादिल । वय्कःया व प्रस्तावया समर्थनय् पूर्ण चन्द्र वानियाँ, व नविन मानन्धरं नं म्हातिं भिद्रः तका ग्वाहालि यायेगु बचं बियादिल । सभानायो राजेन्द्र वानियाँ नं कोषय् थःगु पाखें नं भिद्रः तका ग्वाहालि यायेगु बचं बियादिल । नापं वय्कलं ल्याःचा पारदर्शिता जुइगु खं कंसे किपूमितसें छयंक्वछुके मालीगु छुं नं कथंया ज्या मयायेगु बचं नं बियादिल ।



## संगठन सुदृढिकरण अभियान



देयन्त्यकंया नेवा: पत्रकारतय्गु मंका:गु संगठन नेवा: पत्रकार राष्ट्रिय दबूपाखें शनिवा:निसें संगठनयात अझ अप्व: क्वातुकेगु व न्ह्याकेगु नितिं संगठन सुदृढिकरण अभियान न्ह्याकूगु दु । यें जिल्ला कचा व ख्वप जिल्ला कचाय् शनिवा: हे अभियान सुरु या:गु ख: ।

अभियानय् नेवा: पत्रकार राष्ट्रिय दबूया केन्द्रीय नाय: श्रीकृष्ण महर्जनं अभियानया बारे, मूछ्याञ्जे सुनिल महर्जनं नेवा: पत्रकार राष्ट्रिय दबूया आवश्यकताया बारे अले केन्द्रीय न्वकू सुरजवीर वज्राचार्य दबूया ज्याभव:या बारे ज्यापौ न्हयव्वयादीगु ख: । अन न्हयव्व:गु ज्यापौयात कया व्यापक सहलह व्यंका नेवा: पत्रकार राष्ट्रिय दबू थौंया इलय् अझ अप्व: क्रियाशिल जुइमा:गु, नेवा:तय्गु पहिचानया मुद्दानिसें भाषा जातीया ख्यलय् समानताया मुद्दा नापं हरेक ख्यलय् समावेशीताया मुद्दायात ज्वना वनेमा:गु खँय् व: बिउगु ख: ।

यें जिल्ला कचाया ज्याभवल्य् यें जिल्लाया नाय: नातिकाजि महर्जनं, न्वकू रेखा शाक्य, न्वकू रत्न महर्जनं, छ्याञ्जे प्रजित शाक्य अथे हे ख्वपय् जूगु ज्याभल्य् ख्वपया नाय: इश्वरकाजि खाइजु, छ्याञ्जे सिमान्त सिल्पकार लगायतपिन्सं थ:थ:गु बिचा: प्कादीगु ख: ।

यें जिल्ला कचा व ख्वप जिल्ला कचाय् शनिवा: जूगु उगु अभियानयात आ: देयन्त्यकंया कचाय् नं न्ह्याकेगु जुइ धका: नेवा: पत्रकार राष्ट्रिय दबुलिं जानकारी बिउगु दु ।

## गोल्डेन भ्वाइस अफ नेपाल

### प्रेमध्वजयात हन

ज्वजलपा वा:पौ /

लहना मिडियाया र्वसालय् माघ १४ गते शुक्रवा: येंया खुसिबुइ च्वंगु विनायक मल्टि भेन्युस त:जिक भित्तुना सनिल ज्याभव: जुल ।

उगु भित्तुना सनिलया मू ज्याभव:कथं नेपा:या गोल्डेन भ्वाइस अफ नेपाल प्रेमध्वजयात विशेष रुपं हनेगु ज्या जूगु ख: ।

पर्यटन संस्कृति मन्त्री जीवनबहादुर शाहीया ल्हा:तं उलेज्या जूगु उगु ज्याभवल्य् पाहाँ कथं हनेवह:म्ह जनगायक भृगुराम श्रेष्ठ व उद्योगपति भाषासेवी लक्ष्मीदास मानन्धरपिं भायादीगु ख: । ज्याभवल्य् गोल्डेन भ्वाइस अफ नेपाल प्रेमध्वज प्रधानयात मन्त्री शाही हनापौ ल:ल्हाना: हनेगु ज्या यानादीगु ख:सा ज्याभवल्य् नेवा: परम्परा कथं खें सगं नं व्यूगु ख: ।

ज्याभव:या न्हापांगु व्व कथं श्रष्टा प्रधानयात हनेगु ज्या जूगु ख:सा निगूगु व्व कथं भित्तुना सनिल्य् थीथी लोकंहवा:पिं कलाकारपिनिगु सांगितिक व सांस्कृतिक व्वज्या जूगु ख: ।

उगु सांगितिक व सांस्कृतिक ज्याभवल्य् नेपालभाषाया नांजा:पिं कलाकारपिं जेम्स प्रधान, भीम तुलाधर, निशा देशार, सुरजवीर वज्राचार्य, एञ्जिला श्रेष्ठ, आराध्यलक्ष्मी खड्का, भूपेन्द्र वज्राचार्य, अञ्जन श्रेष्ठ, पंकज राजोउपाध्याय, सुलिन्द्र शाक्यया लिथें थीथी कलाकारपिन्सं थ:थ:गु सांगितिक व सांस्कृतिक व्वज्या न्हयव्व:गु ख: ।


उगु सनिल ज्याभव: न्हूदें ११३७ या लसताय् लहना मिडियाया न्हयव्वया 'यूएफओ भित्तुना सनिल' ज्याभव: नामं येंया खुसिबुइया विनायक मल्टि भेन्युइ न्ह्या:गु ख: । ज्याभवल्य् नेपालभाषाया थीथी ख्य:या व्यक्तित्वपिं लिसें थीथी खल: पुच:या मनूतसें ब्वति का:गु ख: ।



पांगाया विष्णुदेवी  
बालकुमारी जात्रा

बजारय् वये धुंकूगु दु  
थ:गु प्रति सुरक्षित यानादिसँ

स्वापू नितिं मेमेगु फोन नम्बर: ४३३४०१३,  
९८४१७५२५८३, ९८४६०४६१२३९



बखुमद: जात्रा  
न्हयगां जात्रा



## अन्धविश्वासय् लिकुनाच्चंगु विज्ञान



### सं वां छवयेत थुकल बीमा:

पन्नारत्न महर्जन

नेवा: समाजय् थीथी कथं संस्कृतिगत दु अले य:थ:गु कथंया धारणा दयेका वयाच्चंगु खने दु । संस्कृतिइ विविधता दुपि नेवा: समाज दुने थये याये मत्य: अथे याये मत्य धका: थीथी कथंया अन्धविश्वास ल्यनाच्चंगु दु । अज्व:गु कथंया अन्धविश्वास दुने वास्तवय् विज्ञान सुलाच्चंगु दु धका: पन्नारत्न महर्जन कथनादीगु दु । वयकलं नेवा: समाज नाप स्वाका अन्धविश्वारय् लिकुनाच्चंगु विज्ञान नांगु सफू तक च्वयादीगु ख: । व हे सफूपाखे निरन्तर रुप न्हयव्वया वयाच्चनागु ख: - सं. सँ धागु तसकं चीपु जुया: याउँसे च्वनी । भतिचा जक फसं नं थ्वयात व्वयेका यंके फइ । सँ व्वया: उखें थुखें वनी । सँयात काचाक्क खंके नं फइ मखु । सँ बांलाकेत बरोबर छयने मा: । सँ छयनेबलय् भचा भचा हायावइगु स्वभाविक ख: । उबलय् आ:थें ब्यूटी पार्लर वना: सँ बांलाकेगु मदु । बांलाकेगु थी थी उपकरणं नं मदु । छेंय हे च्वना: ककिचा, थकू आदि छयना: यचुपिचु यायेमा: । सतबत थुना: बाय्

सप: प्याना: सँयात सजय् याना तयेमा: । थथे यायेबलय् हायावइगु सँ बांछवयेबलय् थुकल बीमा: धयागु लाकेमान्यता दु । थुकल बीगु धयागु चिप यायेगु ख: । चिप जुलकि पू जुल धयागु मान्यता दु । पू जूग वस्तु छुं नं विधिया ज्याखँय् ख्यलय् दइमखु धयागु लोक पर म्परा दु । सँ छयना: हायाव:गु सँ अथें बांछवये बलय् सुं नं महितातसे कया: छुं नं मभिगु याये य: धयागु अन्धविश्वास जनमानसय् व्वलनाच्चंगु दु । थुकलं विया: बांछवयागु सँ थज्या:गु कथंया छुं नं ज्याखँय् छयले फइमखु धयागु जनविश्वास दु । उकिं सँ बांछवयेबलय् थुकल बीमा: धयागु भावना दयेकात:गु ख: । थ्व भावना सही धारणा मखया: नं थुकिं थवंथवय् वैमनस्यता व्वलंका एकआपसय् बेमेल हयावीगु यात नकारय् यायेफइमखु । सँ तसकं याउँइ व भचा जक फसं नं व्वयेकायंके फइगुलिं व्वया: न्ह्याथासं लायेफु । उबलय् आ:थें डस्टवीन धका: अलग फोहर मुंकेगु थल दयेकातइ मखु । ध्याक्वय् कुलाम मुंका: सा:गालय्

बांछवयेगु चलन । सँ अथे बांछवयेबलय् फसं व्वयेका: उखेंथुखें लाइ । बांछवया थाय् हे जक लाइ धका: धायेफइमखु । नसात्वसाय् नं ला: वनेफु । सँ उसांययात नीगु चीज मखु । थुकिं थीथी कथंया ल्वय् जुइके य: । प्याका: बां छवयेबलय् उखेंथुखें व्वया वनीगु भय दइमखु, बांछवयाथाय् लाकेफइ । प्या:गु सँ फसं व्वयेके फइमखु । थ्व छगू बुद्धिमानि नं ख: । सँ छयनाच्चने थाय् न्हय:ने ल: मदया च्वनेफु, उकिं नं ईतया: जूसा प्याकीगु ख: । सँ प्याकेबलय् ख्वाउँगु लखंसिकं क्वा:गु लखं याकनं मा:बुइ । मा:बूगु सँ याकनं छपुनाप मेगु प्यपुनी । ख्वाउँलखं प्याकेबलय् मा:मबूतले छेंछें च्वना: ल्हाती जक प्यपु पुनेय: । भीगु ई क्वा: । थुकलं विया: सँ प्याके बल् याकनं मा:बूया: प्यपुनीगुलिं उखेंथुखें व्वयावनीगु भय दइमखु । सँ प्याकेत थुकलं बीबलय् पू याये ज्वलं छक: जक थुकलं बीगु याइमखु । सँ ग्वारामारा याना: पुतुपुका: स्वक: प्यक: तक बी । थज्या:गु हुनिं सँ छयनेबलय् हायाव:गु सँय् थुकलं विया: बांछवइगु ख: ।

हलिं नेवा: गुथि किपू कचां किपुली या:गु  
“भिके-ल्ट्वने-न्हूधा: यायेनु”छयों तया चिनाखँ गोष्ठी वंगु चिनाखँ छसिकथं  
पिकया वनेगु तातुना थ्व चिनाखँ न्हयव्वयागु ख:

### १६.थुइके मा:गु दु

पि.के. श्रेष्ठ,  
वाहिगां, किपू-१७

ख: थ्व वैटडीया “मेघौली” याक: मखु कथित विभिन्न शक्तिपीठया ख: थौं नं मिसाकन्या छायेगु अलय् छायेधुंकूम्ह व मिसाकन्यायात पुजारीपिसं साभा भोगय याइगु कथित “देउकी” प्रथा थौंतक मन्हनिं .....  
जीवनलिसे मृत्यु गथेकि घानावइ अथे हे तुं धर्मलिसेलिसे पाप हाकुगु खिमुगु चापांय्या ल: त:मज्यायेकं गथेकि सुथ जुइमखु चककं अथे हे तुं पाप मदयेकं धर्म पूवनी मखु न्यंक .....

अपराध व अपराधी मदइगु जूसा न्यायया कथधरा कदापि दइमखु थौं थ्व धर्म धइगु नं थज्यागु अपराध सिद्ध जुल गथेकि त:मज्या:गु खेंय् ग्व:चादुने भिं मभिं गथे थुइके फइमखु ...  
धर्मया अपराधीपित नं न्यायया कथधराय् थने फइमखु ।

धर्मया नामय् जुइगु अपराधय् पीडित मिसा व मस्त हे जक जुइ चाहे व बुद्ध धर्म, चाहे हिन्दु या मुस्लिम चाहे थरिथरि जातया किश्चियन छुकी नं बाँकी मत मिसा व मस्तयत् थौन शोषण .....

डोटीया जुजु नागी मल्लया पालय् “कलेश” माहामारी जुइवं केदार मन्दिरय् पुजारिइ त्वापुकथं .....  
थ: म्थ्याय् छायेवं “देउकी” प्रथा धका: नाला: चौधौधुंका: थौं एकाएशौ शताब्दीतकं “देउकी” बाय् “देउकेनी”..... थौंतकं दइच्चन छम्ह पुजारीया बलय् गुलि अपराध न्हयं ।

थ्वहे क्रम समाजया ध्यबावालतसें गरीवया मिसाकन्या न्याना: “देवी” वा देउकन्या नां छुता: थौंतक थौन शोषण यायेगु मदिकूनि.....  
समाजया व सम्भ्रान्त वा पाखण्ड पण्डित पुजारीतसें “देउकी” लिसे सम्भोग यायेवं फुककं पाप चुइकायंकी धका: धर्मया विष त्वंकेगु मत्व:तूनिं ....  
नि:शुल्क बेश्यागमनया अधिकार सुनिश्चित याइपिं धुर्त पण्डित, पुजारी व कुलिनत न मन्हनिं ।

गथे खँ ल्हाये “शेर्पा” समुदायया “भुमा” प्रथा माहिली जुया: जन्म जुइगु हे “अभिषाप” धका: .....  
गथे याना: धाये “नेवा:” समुदायया “कुमारी” प्रथा जिवित देवी जुइधुंका: “इहिपा:” मज्यू धका:

खबरदार  
थौं थ्व पाखण्ड, पण्डित, पुजारीतये ल्हा: ता:हाकेत्यंगु दु .....  
नेवा:तय् “कुमारी” प्रथातक मतिना यायेत ला छुट बिइ हे धुंकूगु दु ....  
नेपा:या संविधान २०७२ अन्तर्गतया धारा-२९ या “उपधारा -२” छुख: ???  
भी सकलें छर्प-छधी जुया: थुइके मा:गु दु ।

तपाईंको टोलमा भएका घटना कीर्तिपुरको समाचार बनाउने हो भने तपाईं एक कल फोन गर्नुस् हामी तपाईंको टोलको समाचार कीर्तिपुरको समाचार बनाईदिनेछौं

## कीर्तिपुर सन्देश साप्ताहिक



### कीर्तिपुरको चित्रण

किपुलिं पिदनाच्चंगु कीर्तिपुर सन्देश वा:पौ व ज्वज्वलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३  
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखं/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



# ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७, ९८०८६२६४२० ई-मेल : kirtipur\_sandesh@live.com

## गजल शोभा महर्जनया

न्हिला न्हिलाः मुखूस्वां ह्वइच्चंगु दु  
सुला सुलाः गुलिस्वां थ्वइच्चंगु दु ।

लकस अहो ! गुलि बांलाः भःभः धाः  
हिलाः हिलाः मौसम नं वइच्चंगु दु ।

थ्व मन नं थौं अहो ! गुलि चञ्चल  
हूला हूलाः लापा थें वइच्चंगु दु ।

सर्गः छफातिं थिलापुन्हिं थें  
न्हिला न्हिलाः तिमिला नं त्वइच्चंगु दु ।

समीरया चुप्पां स्वां मुसु काः थें  
सुला सुलाः मतिना नं ज्वइच्चंगु दु ।

## नय् फु खँ सः छ

स्वंगु दलया बाहुबलं  
न्हुगु संविधान घोषणा यात  
तर ज्या खेलय् हय मफुनी  
थुकिया कारण खः निजी स्वार्थ

गुलि गुलि स्वार्थया मन धिसिलातः  
उलि उलि समस्या ककाय् स्वः थें स्वल  
अरवौं धेवा फुका दयकुगु संविधानं  
सिमाय् तः क्याना भुण्डेजुम चरा थें जुलः

नेतातय् मेहनत सितीं वन  
धुकुःया धेवा वेकारय् फुना वन  
जनताया मन क्वहँवनः  
देः भन भन स्यना वन

थज्यागु अवस्था भीःगु देसय्  
गुलितक च्वना च्वनी उली तक हे  
नेतातय् ज्या दया च्वनी अले  
न्हि न्हि भवय् नं नया हे च्वनी

भाषण विइत, गफ याय्तः  
सुं नेता कम मजु  
तर व्यवहारे वइबले  
खः छता ज्या छता

थज्यापीं मनुतयत हे  
धाइगु खः केवल नय् दय्वं गाः पीं  
नय् फु खँ सः छोः  
नय् फु खँ सः छोः



शोभा महर्जन  
इटाछें, किपू-३



कवि : राम महर्जन  
की. न.पा. - १६, नगाउं

## नेपाःया अल्ट्रा धाविका मीरा राई “साहसी व्यक्ति” घोषित



नेपाःया अल्ट्रा धाविका मीरा राई “साहसी वर्ष व्यक्ति” घोषित  
जुगु दु । नेशनल जोग्राफी राईयात ‘एडभेञ्चर अफ दि इयर  
२०१७’ घोषणा याःगु खः । थ्व अवार्डया नितिं विश्वन्यंकया साहसी  
कासालिसे आवद्ध मध्य १० म्ह मनोनयनय् लाःगु खः । अनलाइन  
भोटिङया आधारय् मीरा विजयी जुगु खः ।

भोजपुरया मीरां निर्दै न्हयःनिसें अल्ट्रा रनरया रुपं राष्ट्रिय  
अन्तर्राष्ट्रिय कासाय् स्थलाकक ताःलाःगु खः ।

पूर्वी नेपालया भोजपुरय् जन्म जुयादीम्ह २७ दँया मीरा राई  
तत्कालीन नेकपा माओवादीया लडाकु खः । शान्ति सम्झौतालिपा  
सेनाय् अयोग्य जूम्ह मीरा विदेश वनेगु योजनाय् यँय् वःगु खः ।

तर, कराते प्रशिक्षक धुवविक्रम मल्लया सम्पर्कय् लायेधुंकाः  
मलेसियाया भिसा रद्ध यानाः कासा क्षेत्रय् वनेगु प्रण याःगु खः ।  
यँया जःखः शिवपुरी जंगलया ट्रेलपाखें अल्ट्रा रनिङ न्ह्याकूम्ह  
मीरां सन् २०१५ स हडकड, स्पेन, इटली, अष्ट्रेलिया लिसेंया  
मुलुकय् अल्ट्रा दौड (ब्याकासा)य् सहभागी जुयाः सफलता हासिल  
याःगु खः । सन् २०१६ या सुरुइ इटलीइ जुगु स्काइरनिङ अल्ट्रा र  
ेसय् निगूगु थासय् लायेत ताःलायेधुंकाः अतिकं चर्चाय् वःम्ह राई  
अल्ट्रा रनरया विश्व बरियताय् निगूगु थासय् थ्यंगु खः । निला  
न्हयः इटलीइ हे ब्याकासाया भवलय् घाःपाः जूम्ह मीरा एसिएल  
इन्ज्युरीया वासः यायेधुंकाः हाकनं ट्रेलय् लिहां वयेत संघर्षरत  
जुयाच्चंगु दु ।

## त्वकंहवाःम्ह गायक नापं संगीतकार पन्नाकाजी मन्त

ज्वजलपा वाःपौ /

नांजाःम्ह गायक व संगीतकार पन्नाकाजी शाक्य बुधवाः मंत । वय्कः नांजाःम्ह आधुनिक गायक  
प्रवेशमान व प्रवित्रमान शाक्यया नं अबु खःरु वि.सं. १९८८ पुस १५ य् यँया ओमबहालय् वय्कःया  
जन्म जुगु खः। नेपालभाषाय् ‘ताः दत मखनागु त्वःमन ला’ थेंज्याःगु अतिकं लोकंहवाःगु म्यें लगायत  
मवीवी शाहया लोकंहवाःगु म्यें ‘किन किन तिम्रो तस्वीर, गाजलु ती ठूलठूला आँखा’ नं शुरुइ वय्कलं  
हे हालादीगु खः । वय्कःया ‘तिरीरी मुरली वज्यो’ नं अतिकं लोकंहवाःगु म्यें खःरु। वय्कलं परमानन्द  
बज्राचार्यया नांजाःगु पृथाः प्याखं ‘युवराज कुणाल’ य् नं म्हितादीगु खःरु। वय्कःयात नेपालय् सुगम  
संगीत शुरु यानादीम्ह प्रमुख हस्तीपिं मध्ये छम्ह कथं मान्यता दु । पन्नाकाजी २००८ सालय् रेडियो  
नेपालय् प्रवेश जुयादीगु खःसा २०४० सालय् वय्कःयात बाध्यतापूर्वक राजीनामा याकूगु खः । मदुम्ह  
शाक्यया प्यम्ह काय व छम्ह म्ह्याय् दीरु वय्कःया अन्त्येष्टि टेकुइ याःगु खः ।



## पिदंगु दु स्वंगू सफू

उपन्यास

थ्वया च्वंगु सः

न्वचू, उद्घोषण व एफ एम


संचालन कला नासः

चिनाखँ मुना ईब्यःया चिनाखँ



नजरराम महर्जनया  
भिंछंगूगु उपन्यास  
‘थ्वयाच्चंगु सः’

मू  
निसः तका जक



श्रीकृष्ण महर्जनया  
न्यागूगु सफू  
‘नासः’

मू  
न्यय् तका जक



नाति महर्जनया  
न्हापांगु सफू  
‘ईब्यःया चिनाखँ’

मू  
सच्छि तका जक

थःगु प्रति

सुरक्षित

यानादिसँ

न्हि

स्वापू

४३३३००७,  
९८४१४०१०७७